

VLTONIA ORIENTAL.

49

triciæ ædes à Roberto *Cumin* exstructa, seu potius restaurata, quæ sedes Archiepiscopalis; & Christi, in qua Richardus *Strongbow* Penbrochiæ Comes, expugnator ille Hiberniæ splendido sepulchro conditur. Immunitatibus etiam gaudet multis. Olim pro summo magistratu Prepositum habuit, sed anno reparatæ salutis 1409: ut Major, & duo Ballivi quotannis eligerentur, concessit Henricus quartus: Ballivos autem postea in Vicēcomites Edvardus VI commutavit. Elizabetha vero Regina ad ingenia mollioribus literis excolenda faustis auspiciis Academia posuit fundamenta. Nec quicquam hic deest, quod in florentissima urbe desideres, nisi quod portui plurimum officit arenosus cumulus reciproco maris meatu, in *Aven-lisui* ostium aggestus, sic enim præfluentem fluvium vocant, id est, *amnis Lisui*. De vetustate vero Dubliniæ quod dicam, nihil certi occurrit; vetustissimam tamen esse Ptolemæi autoritas persuadet, & eo sane tempore, quo Ptolemæus floruit, ab Avellano conditam cives produnt, Saxo Grammaticus Danicis bellis misere convulsam fuisse tradit: postea in Eadgari Anglorum Regis potestatem devenit, quod Diploma datum confirmat. Deinde occuparunt Norwegi, unde, in vita *Gryffithi ap Cynan* Principis Walliæ legitur, Haraldum Norvegum, cum maximam Hiberniæ patrem subjugasset, Dubliniam condidisse. Demum vero in primo Anglorum adventu eorum virtuti concessit, & ab illis fortiter defensa est, cum Ausculphus Dublinensium Princeps, & postea Gottredus Rex Insularum eam acriter undique adorirentur. Iam inde vero deducta in hanc ex Anglis, præcipue ex Bristolensibus Colonia, multis trepidis rebus, & angustiis, præclara suæ fidei in Anglorum reges documenta dedit. Sed de his satis, ad Montes & flumina transeo. Infra Ormondiam *Bhevu Blem*, (Bladiniæ mōtes vocat Giraldus) Montes & flumina. se leviter convexis jugis attollunt, è quorum visceribus quasi maternis *Suirus*, *Neorus*, & *Birgus* eduntur, & divisim alveis decurrentes, priusquam Oceanum adeunt, concordibus se consociant aquis; unde Tres Sorores ab antiquis dictæ: *Neorus* multa propugnacula & quædam stringit opida *Birgus* nunc *Barrov*, è Bladina etiam Monte profluens, solitarius multis anfractibus delatus, *Rhebam* prætermeat, aliaque opida. Post *Neorus* & *Birgus* aquas commiscet, & pauca milliaria uno alveo emens *Suiro* sorori maximæ, & nomen & aquas offerunt suas, qui statim in Oceanum scopuloso ostio immergitur, ubi a sinistra angusta cervice excurrit promontoriolum, quod editam turriculam navigantibus præterdit, a Rossensibus cum floruerunt, positam, quod tutius ostia subirent. In hac parte *Modonam* flu. statuit Ptolemæus, de quo supra: & *Ovoca* in regione maritima, ad quod *Arcklo* castrum sedet, qui fluvius, ut inquit Giraldus, non minus influentibus, sinumque replentibus quam elapsis omnino marinis aquis, innata dulcedinis saporem retinens illibatum usque in ipsum mare impermixtas salitudine undas conservat. Est & *Liffey* amnis qui Dubliniam præterlabitur, hic raro rapidè fertur nisi post ingentem pluviæ vim: cæteroquin admodum sedatus fluit. Archiepiscopus unus in Lagenia, qui sedem suam habet Dubliniæ, & Gandelachy, Gandeloylong, & Primas Hiberniæ nominatur, sequentes sub se habes Suffraganeos Episcopos, *Elphine*, *Bishop*, *Helphen* f. *Kildare*, i. *Fernes Ossorie*, *Leighlyn*, aliis *Laghlyn*.

Hiberniæ